

ԱՐՍԱՆ ԵՂԻԱԶԱՄՅԱՆ

ՀԱՅ ԳԱՂԹԱՇԽԱՐՁԻ ՊԱՏՄՈՒԹՅԱՆ ՊԱՐԲԵՐԱՑՄԱՆ ՓՈՐԱ

ՄՈՒՏՏՔ. Պատմության պարբերացումը և հիմնական մոտեցումները

Պատմության պարբերացումը համակարգման մի յուրօրինակ ձև է, որի հիմնական նպատակը պատմական գործընթացների պայմանական բաժանումն է առանձին ժամանակագրական շրջանների: Վերջիններս ունենում են տարբերակիչ յուրահատկություններ, որոնք առանձնացվում են պարբերացման համար որպես հենք ընդունված չափորոշիչներով: Արդյունքում ստացվում է համեմատաբար կայուն բնութագրիչներով ժամանակաշրջանային բաժանում¹:

Դայտնի են պարբերացման մի քանի մոտեցումներ, որոնցիցից հարկ ենք համարում անդրադառնալ հասարակարգերի և քաղաքակրթությունների մոտեցումներին:

Դասարակարգերի մոտեցումն ընդունված էր խորհրդային պատմագիտության մեջ և հիմնված էր պատմությունը հինգ հասարակարգերի բաժանելու՝ Կ. Սարբսի և Ֆ. Էնգելսի տեսությունների վրա²: Դանարվում էր, որ յուրաքանչյուր մարդկային հանրույթ իր զարգացման ընթացքում անցնելու էր հինգ փուլ.

¹ Տե՛ս The Challenge of Periodization: Old Paradigms and New Perspectives, ed. L. Besserman, New York, 1996, J. Bentley, ch. I, Cross-Cultural Interaction and Periodization in World History, "American Historical Review", vol. 101, N 3, 1996 (June), էջ 749–770.

² Տե՛ս K. Մարքս, F. Էնգելս, Сочинения, изд. 2-е, т. 13, М., 1959, с. 7, т. 21, М., 1961, с. 26. Այդ մասին նաևամասն տե՛ս Всемирная история, т. I, под редакцией Ю. П. Францева, И. М. Дьяконова, Г. Ф. Ильина, С. В. Киселева, В. В. Струве, М., 1956, էջ VII-XXII, Г. Կոնօս.

ա. նախնադարյան համայնական,
բ. ստրկատիրական,
գ. ավատատիրական,
դ. կապիտալիստական,
ե. կոմունիստական:

Խորիրային պատմագիտության մեջ այս մոտեցումը եղել է հիմնականը: Սակայն ասել, որ ԽՄԴՀ-ի փլուզումից հետո այն դուրս է եկել գիտական շրջանառությունից, այնքան էլ ճիշտ չէ:

Յու. Սեմյոնովը մշակել է գլոբալ հասարակարգերի տեսությունը, որտեղ հիմնական շեշտը դրված է այն փաստարկի վրա, թե հասարակության՝ բոլոր հասարակարգերով անցնելու դրույթը չի կարող պարտադիր կամ հենքային լինել: Նոր հասարակությունները, դուրս գալով մարդկային զարգացման «ճանապարհ», սկսում են այնտեղից, որտեղ կանգ են առել նախկինում զարգացած հանրույթները¹:

Ըստ քաղաքակրթությունների մոտեցման՝ պատմական գործընթացը դիտարկվում է ոչ թե հիերարխիկ ուղղահայաց, այլ տարածական-հորիզոնական հարթության վրա: Այս մոտեցման կողմնակիցները կարծում են, որ «հավասարագոր» քաղաքակրթությունների տարբերակումը հնարավորություն է տալիս խուսափելու պատմության զարգացման հարցից, ուստի նաև ժողովուրդների՝ որպես զարգացած, զարգացող և չզարգացած հասարակությունների տարբերակման խնդրից: Այս մոտեցումը հստակեցվել է Օ. Շալինգերի «Եվրոպայի մայրամուտը» և Ա. Թոյնբիի «Պատմության ուսումնասիրությունը» աշխատություններում: Թոյնբին առանձնացրել է շուրջ երեսուն քաղաքակրթություն, որոնք ունեն յուրահատուկ-անկրկնելի դիմագիծ: Դրանց առաջացման պատճառ են դարձել արտաքին միջավայրի մարտահրավերները:

Марксова теория исторического процесса, общества и государства, т. 2, М.-Л., 1930, с. 121-124:

¹ Տես Yu. Semenov, Socioeconomic Formations in Historical Process. Philosophy in USSR, Problems of Historical Materialism, M., 1981, էջ 33-51:

ԱՐՍԱՆ ԵՂԻԱԶՄԱՆՅԱՆ

Դրանցից յուրաքանչյուրն անցել է առաջացման, զարգացման, մասնատման և անկան փուլեր: Քաղաքակրթության ներքին կազմվածքը բաժանվում է երկու մասի՝ «ստեղծագործ փոքրամասնություն» և զանգվածներ: Առաջինների առկայությունը քաղաքակրթության հիմնական բնորոշչիներից մեկն է¹:

Վերջին շրջանում որոշ հետազոտողներ քաղաքակրթություն են վերագրում գրեթե բոլոր էրնիկ հանրույթներին: Ի. Վալերստայնը քաղաքակրթական մոտեցումը բնութագրում է որպես «քույերի գաղափարախոսություն», որն էրնիկ ազգայնականության «քույոր» և ներկա աշխարհակարգի «միջուկ» հանդիսացող պետությունների դեմ²:

Շարունակելով քաղաքակրթական մոտեցման որոշ սկզբունքների զարգացումը՝ այդ մոտեցման կողմնակիցներն անցում են կատարել մեկ քաղաքակրթություն ընդգրկող ընկերային համակարգերի զարգացման ուսումնասիրությունից մինչև այնպիսի համակարգերի ուսումնասիրություն, որոնք ընդգրկում են մեկից ավելի քաղաքակրթություն և նույնիսկ աշխարհի բոլոր քաղաքակրթությունները: Այդ մոտեցման հիմնական մշակողներն են Ֆ. Բրոնելը³ և Ի. Վալերստայնը⁴:

Ակնհայտ է, որ նշված տեսություններից ուղղակի արտածել հայ գաղթաշխարհի պատմության պարբերացման սկզբունքներ և կամ մեթոդներ այնքան էլ ոյուրին աշխատանք չէ:

Մյուս կողմից, վերոհիշյալ տեսությունները վերաբերում են հասարակություններին և դրանց զարգացմանը: Յայտնի է, որ մարդկանց՝ որպես հասարակությունների ծևավորումը տեղի է ունեցել

¹ Տես A. Տօյնբի. Изучение истории, М., 2009, с. 31:

² Տես I. Wallerstein, World-Systems Analysis. Social Theory Today, Cambridge, 1987, pp. 309-324:

³ Տես Փ. Բրուլը, Մатериальная цивилизация, экономика и капитализм XV-XVIII вв., М., 2006.

⁴ Տես I. Wallerstein, նշվ. աշխ.:

տարածքային սկզբունքով («տարածքային սոցիալիզացիա»), այն հենքի վրա, որ մարդիկ գիտակցորեն ու ենթագիտակցորեն աստիճանաբար կապվում են առանձին վերցրած տարածքի, ստուդում ավանդույթներ, կենցաղ և մշակույթ¹: Ակնհայտ է, որ հասարակության ծևավորումից մինչև հավաքական կենսագործունեության՝ համակեցության սոցիալական և արժեքային զարգացման փուլերը կապվում են առանձին տարածքների հետ, ուստի գաղթավայրերի պատմության պարբերացումը հայության տարածքային սոցիալիզացիայի և զարգացման փուլերի հինքով կատարելը մի կողմից հնարավորություն կտա տեղայնացնելու գաղթաշխարհի պատմությունը և զարգացումն ըստ առանձին երկրների, իսկ մյուս կողմից՝ կնպաստի գաղթաշխարհի պատմության անբողջացմանը և տարբեր սոցիալական ու արժեքային համակարգերում հայության համարկման խնդիրների պարզաբանմանը:

Սակայն հայ գաղթավայրերի պատմության պարբերացումը առաջին հերթին խնդիր է դնում գաղթաշխարհի համընդգրկուն պատմության և գաղթաշխարհի հայության՝ ժամանակի ու տարածության մեջ որպես անբողջական համակեցական համակարգի ընկալման: Դանակեցությունը նախատեսում է որոշակի աշխարհագրական, էրնոտողովրդագրական, պատմական, մշակութային, հոգևոր-կրոնական և այլ հենքերի առկայություն²: Դրանցից գաղթաշխարհին ընդհանուր առմանը չի վերաբերում աշխարհագրական հենքը: Թեև աշխարհագրական առումով գաղթաշխարհում որոշակի միասնական դիմագծով են հանդիս գալիս Եվրոպայի և Մերձավոր Արևելքի հայերը: Մյուս կողմից՝ գաղթաշխարհի համակեցության աշխարհագրական հենքը կարելի է ծևավորել ընդհանուր հայրենիքի առկայությամբ:

ԱՐՄԱՆ ԵՂԻԱԶԱՐՅԱՆ

1. Հայ ժողովրդի պատմության պարբերացման խնդիրը և գաղթաշխարհի գործոնը

Արդեն ԽՍՀՄ-ի վիլուգումից հետո անհրաժեշտություն առաջացավ հրաժարվելու պատմության պարբերացման մարքս-էնգելսյան նոտեցումից և մշակելու նոր, պարբերացման ավելի արդյունավետ համակարգ: 1992 թ. Երևանում տեղի ունեցավ գիտաժողով՝ Նվիրված այդ խնդրին¹: Բարեբախտաբար պատմաբան Պ. Չովհաննիսյանն անփոփել ու մշակել է այդ համաժողովում հնչած բոլոր տեսակետները, որը հնարավորություն է տալիս ընդհանրացված տեսնելու հայ պատմագիտության ծեռքբերումներն այդ ասպարեզում:

Դանակողովի մասնակիցները, իմք ընդունելով այն, որ առանց հայ ժողովրդի պատմության պարբերացման խնդրի լուծման՝ հնարավոր չէ խոսել պատմագիտության մեջ լայնամասշտար ծեռքբերումների մասին՝ մասնակիցներից շատերը ներկայացրել են սեփական նոտեցումները և առաջարել հայ ժողովրդի պատմության պարբերացման տարաբնույթ սկզբունքներ:

Ըստ Գ. Սարգսյանի՝ հայոց միջնադարը կարելի է բաժանել նախավատաշիրական և միջնադարյան կամ ավատաշիրական ժամանակաշրջանների՝ սահմանագիծն անցկացնելով IV դարով²:

Ըստ Վ. Դիլոյանի՝ արդեն XVII դ. հայ վաճառականական կապիտալն աննախադեպ վերելք է ապրել: Այդ գործընթացը հասկանալի պատճառներով տեղի էր ունենում հայկական գաղթավայրերում: Հայ վաճառականությունն իր ծերըն է վերցնում գրատպության գործը՝ տարածելով առաջադիմական գաղափարներ: Նրանք իրենց հայացքը դարձնում են դեպի Հայաստան՝ երկրի

¹ Տե՛ս I. Duschecik, Comparative federalism. The territorial dimension of politics, Lanham et al., 1987, p. 62:

² Տե՛ս F. Braudel, A history of civilizations, New York, 1995, p. 18:

¹ Տե՛ս Պ. Չովհաննիսյան. Հայ ժողովրդի պատմության պարբերացման իմմնահարցին նվիրված համաժողով, «Լրաբեր (հաս. գիտ.)», 1993, թիվ 4, էջ 148-161:

² Տե՛ս Ցույն տեղում, էջ 149:

ազատագրումը կապելով լուսավորական գաղափարների և հանրապետական կարգերի հաստատման հետ: Այդ հարցում համերաշխվել են հնդկահայ և ռուսահայ վաճառականության առաջադեմ ներկայացուցիչները: Ուստի Վ. Դիլոյանն առաջարկեց իրականացնել հայ ժողովրդի պատմության ընդիմանության բաժանում՝ հետևյալ դարաշրջանների ժիրում:

1. նահապետական, տոհմացեղային,
2. ավատատիրական (Ք. ա. IX դ. - Ք. հ. XVII դ. երկրորդ կես),
3. նոր պատմություն (XVII դ. երկրորդ կես-1918 թ.),
4. արդի պատմություն (1918 թ.-առ այսօր)¹:

Լ. Շահինյանի կարծիքով՝ հայ ժողովրդի պատմության պարբերացումը պետք է իրականացնել ըստ դարակազմիկ իրադարձությունների:

1. հնագույն շրջան (սկզբից մինչև Ք. ա. 134 թ.),
2. հին շրջան (Ք. ա. 134 թ. - 428 թ.)՝ հեթանոս և քրիստոնյա Արշակունիներ Ենթաքամացներով,
3. միջնադար (428 թ.-XVIII դ. վերջ),
ա. վաղ միջնադար (V-XI դդ.),
բ. միջին միջնադար (XI-XV դդ.),
գ. ուշ միջնադար (XVI դ.-1800 թ.):
4. նոր շրջան (1801-1918 թթ.),
5. նորագույն շրջան (1918 թ.-առ այսօր)²:

Կարևոր խնդիրներից մեկը, որ քննարկվեց համաժողովում, այն էր, թե արդյոք անհրաժեշտ է հայոց պատմության միջնադարյան շրջանի պարբերացումն իրականացնելիս հաշվի առնել գաղթաշխարհի գործոնը: Ս. Զուլայանը նշեց, որ գաղթաշխարհը չի որոշել հայոց պատմության ընթացքը, ուստի այդ գործոնը պարբերացման ընթացքում չի կարելի կիրառել³:

ԱՐՄԱՆ ԵՂԻԱԶԱՐՅԱՆ

Ե. Ղամիեյանի կարծիքով՝ հայ ժողովրդի պատմության պարբերացման հիմքում անհրաժեշտ է դնել պետականության առկայության գործոնը՝ ինչ ու միջնադարյան պատմության միջև որպես բաժանարար ի նկատի ունենալով քրիստոնեության ընդունումը¹:

Ն. Գովհաննիսյանի հույժ կարևոր դիտարկման համաձայն՝ անհրաժեշտ է պարբերացման ընթացքում առանձնացնել երկու կարևոր չափանիշներ:

1. անփոփոխ կամ կայուն չափանիշներ,
2. շարժական կամ ոչ կայուն չափանիշներ:

Վերջինիս մեջ մտնում են հոգևոր-մշակութային, գաղափարաբանական, սոցիալ-տնտեսական և այլ գործոններ:

Անփոփոխ չափանիշների մեջ պետք է հաշվի առնել, մասնավորապես, V դարը, երբ կործանվեց Արևմտյան Հոռոմեական կայսրությունը, և ավարտվեց հին դարերի շրջանը, կամ 1918 թ., երբ ավարտվեց Առաջին աշխարհամարտը, և կործանվեցին ցարական, Ավստրո-հունգարական և Օսմանյան կայսրությունները: Այդ շրջանները դարակազմիկ նշանակություն ունեն նաև հայոց պատմության մեջ՝ ի դեմս պետականության կորստի և Հայաստանի առաջին Հանրապետության ստեղծման: Նորագույն շրջանը, որը սկիզբ է առել 1918 թ., որպես բնորոշ գիծ ընդգրկում է Սփյուռքի ծևավորումը՝ ի հետևանս Արևմտյան Հայաստանի բռնի դատարկման²:

Յու. Մկրտչյանի տեսակետի համաձայն՝ պարբերացման հիմքում պետք է դրվեն պատմության որակական փոփոխությունները (քաղաքական, տնտեսական, մշակութային, կրօնական և իրավական)³:

Կարևոր է Ա. Ստեփանյանի այն նշումը, որ նախքան պարբերացումը հարկ է հստակություն մտցնել հայոց համակեցության ըն-

¹ Տես նույն տեղում, էջ 151:

² Տես նույն տեղում, էջ 151-152:

³ Տես նույն տեղում, էջ 152:

կալման մեջ՝ անդրադարնալ դրա հենքային գործոններին, որից հետո՝ փորձ կատարել այն ներկայացնելու ժամանակի և տարածության կոնկրետ հոլովություն: Ըստ որում՝ մարդկային համակեցությունը բարդ ու ինքնատիպ համակարգ է, որի գոյության տարբեր շրջաններում առանձնահատուկ նշանակություն են ստանում նրա տարբեր կառուցակազմիկ (համակարգաստեղծ) տարրերը: Որպես օրինակ է բերվում այն, որ հունական պատմության շրջափուլերի բաժանումը կատարվել է՝ ըստ համակեցության այս կամ այն տարրի՝ հոմերոսյանը՝ էթնորազմական և ցեղային ինտեգրման, արխայիկը՝ տնտեսության և քաղաքային կյանքի ծաղկման և դասականը՝ ստեղծագործական հասարակաշինության և մշակույթի զարգացման¹:

Արժեքավոր է Ա. Ստեփանյանի այն դիտարկումը, որ պարբերացումը պետք է իրականացվի՝ հաշվի առնելով հասարակության ինչպես քաղաքական ու մշակութային, այնպես էլ հասարակական զարգացման մակարդակը: Այդ առումով առաջարկվել է պարբերացման հետևյալ տարրերակը:

1. համայնական (վաղնջական ժամանակներից մինչև թ. ա. XXIII դ.),
2. տոհմատիրական (թ. ա. XXIII դ.-թ. ա. II դ.),
3. նախարարական (թ. ա. II դ.-XIII դ.),
4. առևտրական կապիտալի (XIV դ.-XVII դ.),
5. նոր (XVII դ.-1918 թ.),
6. արդի (1918 թ.-մեր օրերը)²:

Կարծիքների ամփոփմամբ հանդես եկող L. Խորշուդյանի կարծիքով՝ հայ ժողովրդի պատմության պարբերացման հարցում որպես չափանիշ պետք է ընդունվեն ազգային (պետականություն, ազգային-ազատագրական պայքար, ազգային հեղափոխություն), քաղաքական, մշակութային, կրոնական և համաշխարհային կյանքի՝ ժողովրդի պատմության համար կարևոր նշանակու-

¹ Տե՛ս նույն տեղում, էջ 156-157:

² Տե՛ս նույն տեղում, էջ 157-158:

ԱՐՍԱՆ ԵՂԻԱԶԱՐՅԱՆ

Բյուն ունեցող դարակազմիկ, շրջադարձային, բախտորոշ իրադարձությունները: Հայ ժողովրդի պատմությունը չանցոք է դիտարկվի համաշխարհային պատմությունից կտրված, այլ դրա համատեքստում: Դայատանը և հայության տարբեր հատվածները հասարակական հարաբերությունների այս կամ այն շրջանն են թևակոյին այն երկրի հետ միասին, որի տիրապետության ներքո կամ որի տարածքում ապրել են:

Ըստ այդմ՝ հայ ժողովրդի պատմության լավագույն պարբերացումը կարող է լինել ըստ հին, միջնադարյան, նոր և արդի շրջանների բաժանումը: Դին շրջանն ավարտվում է V դ., երբ ընկավ պետականությունը, հիմնավորվեց քրիստոնեությունը, և ստեղծվեց այբուբենը (ոսկեդարի սկիզբը): Այսինքն՝ այս բաժանման հիմքում դրվում են երեք կարգի գործոններ՝ պետականությունը, կրոնը և մշակույթը: Միջնադարյան շրջանն ավարտվում է XVII դ., երբ զարթոնք է ապրում ազատագրական պայքարը, և մշակվում ազգային-ազատագրական շարժման գաղափարախոսությունը: Արդի շրջանը սկիզբ է առնում 1918 թ., երբ ստեղծվեց Հայաստանի Հանրապետությունը¹:

Ի դեպ, հենց այս սկզբունքով է ստեղծվել ԵՊՀ հայոց պատմության ամբիոնի հեղինակած «Հայոց պատմություն» բուհական ծեռնարկը²:

2. Հայ գաղթաշխարհի պատմության պարբերացումը պատմագիտության մեջ

Վերոգրյալը ցույց է տալիս, որ հայ ժողովրդի պատմության պարբերացման հարցում գաղթաշխարհի գործոնը համարվել է ոչ էական առնվազն մինչև XVII դ. ընկած ժամանակահատվածի համար, երբ գաղթաշխարհի հայ վաճառականության շրջանում

¹ Տե՛ս նույն տեղում, էջ 158-161:

² Տե՛ս «Հայոց պատմություն», հնագույն ժամանակներից մինչև օրերը, ուսումնական ծեռնարկ, հմբագրությամբ պորֆ. Չր. Ռ. Սիմոնյանի, Ե., 2000, Բ հրատարակություն, Ե., 2012:

ծևավորվել են Հայաստանի ազատագրության գաղափարները։ Հայ ժողովրդի պատմության պարբերացման հարցում գաղթաշխարհի գործոնին էական դեր է վերապահվում միայն նոր շրջանում։

Փաստորեն պարբերացման է ենթարկված հիմնականում Հայաստանի պատմությունը, այսինքն՝ հայության՝ հայրենիքում բնակվող հատվածի պատմական ընթացքը։ Մինչեն արդեն IV դասած՝ այն ուղեկցվել ու գուգահեռվել է գաղթաշխարհի պատմությամբ։ Վերջինիս ծևավորումը տեղի է ունեցել ի հաշիվ Հայաստանում հայության նվազման և երկրի թուլացման, որը կարող է լինել պատմական գործընթացի և դրա պարբերացման կարևոր բաղադրիչ։

Նախորդ տասնամյակներում հրատարակվել են հայ ընդհանուր առմամբ գաղթաշխարհին և ի նաև առանձին գաղթավայրերին վերաբերող բազմաթիվ աշխատություններ։ Դրանցից յուրաքանչյուրում գաղթաշխարհի և գաղթավայրերի պատմության ուսումնասիրության ինչ-ինչ սկզբունքներ են կիրառվել, որոնցից հնարավոր է որոշակի պատկերացում կազմել գաղթաշխարհի պատմության պարբերացման խնդրի վերաբերյալ հեղինակների տեսակետերի մասին։ Դարկ ենք համարում անդրադառնալ դրանցից հիմնականներին։

Դ. Աճառյանը հատկապես առանձնացրել է հայկական գաղութների ուղղությունները՝ նշելով, որ դրանք ունեցել են չորս գիծ՝ հյու-

¹ Տես «16-18-րդ դդ. հայ ազատագրական շարժումները և հայ գաղթավայրերը», Ժողովածու, Ե., 1989, «Եշեր հայ գաղթավայրերի պատմության», հոդվածների ժողովածու, Ե., 1996, «Հայ գաղթաշխարհի պատմություն (միջնադարից մինչև 1920 թ.)», հ. 1-2, Ե., 2003, Վ. Բարիսուլարյան, Նոր Սահմանական հայ գաղթօջախի պատմություն (1779-1861 թթ.), Ե., 1967, Շույնի՝ Նոր Սահմանական հայ գաղթօջախի պատմություն (1861-1917 թթ.), Ե., 1985, Վ. Միքայելյան, Ղրիմի հայկական գաղութի պատմություն, հ. 1-2, Ե., 1964, 1970, Յ. Թոփուրյան, Միքայելյան և Լիքանանի հայկական գաղթօջախների պատմություն, Ե., 1986, Վ. Բայրուրյան, Նոր Շույնի հայ գաղթօջախի պատմություն XVII դ., Ե., 1969, Յ. Սարտիրոսյան, Իրանի տարածքի հայ համայնքները XI-XV դդ., Ե., 1990, Ա. Խառասոյան, Կ. Պոլսի հայ գաղթօջախը (XI – XII դդ.), Ե., 2007, Ք. Ավագյան, ԱՄ հայ գաղութի պատմությունը սկզբնավորվման մինչև 1924 թ., Ե., 2000 և այլն։

ԱՐՄԱՆ ԵՂԻԱԶԱՐՅԱՆ

սիսային, հարավային-արևելյան, հարավային-արևմտյան և արևմտյան։ Այդ գծերին հետևելով՝ նա իր աշխատությունը բաժանել է չորս մասի¹։ Մեծ հայագետը ուսումնասիրության չորս հիմնական մասերում, որոնք ենթարժանված են ըստ տարրեր երկրներ հայության գաղթի և հաստատման պատմության, սկսում է հնագույն տեղեկություններից և հասնում մինչև իր օրերը։ Այսինքն՝ գաղթաշխարհի պատմության պարբերացումը հստակեցված չէ ժամանակաշրջանային առումով, և որպես հիմք է ընդունված աշխարհագրական տարածման գործընթացը։

Գրեթե նույն սկզբունքով են իրենց աշխատությունները շարողել նաև Ա. Ալպյոածյանը² և Ա. Գ. Աբրահամյանը³։ Թեև Ա. Ալպյոածյանը իր եռահատորյակը բաժանել է Ք.ա VI դարից մինչև XI դ., XI-XV դդ. և XVI դարից մինչև մեր օրերն ընդգրկող պարբերաշրջանների, սակայն բավարարվել է միայն առանձին գաղթավայրերի պատմության այս կամ այն խնդիրների ու իրադարձությունների վերաբերյալ փաստեր բերելով։ Խև Ա. Գ. Աբրահամյանի աշխատության մեջ ընթերցողին է ներկայացվում շուրջ երեսուն հայկական գաղթավայրերի պատմության ուրվապատկերը։

Լեռն, անդրադարձալով հայոց պատմության մեջ գաղթաշխարհի դերին, Եշել է, որ նոր շրջանում այն կարևոր լիցքեր եր հաղորդում Հայաստանին։ XIX-XX դդ. զարգացումները հայկական իրականության մեջ հնարավոր չեն բացատրել՝ առանց գաղթաշխարհի գործոնը հաշվի առնելու։ Նա գտնում է, որ նոր շրջանի հայոց պատմության մեջ միախառնված են հայրենիքն ու Սփյուռքը, ուստի հայոց պատմությունը պետք է ուսումնասիրել այդ երկուսի ամբողջության մեջ⁴։ Փաստորեն, ըստ Լեռի՝ XIX-XX դդ.

¹ Տես Դ. Աճառյան, Հայ գաղթականության պատմություն, Ե., 2002, էջ 11-13։

² Տես Ա. Ալպյոածեան, Պատմություն հայ գաղթականութեան, հ. 1, Կահիրէ, 1941 (Ք.ա 6-րդ դ.-11-րդ դ.), հ. 2, Կահիրէ, 1955 (11-15 դդ.), հ. 3, Կահիրէ, 1961 (16-րդ դ.-մինչև մեր օրերը)։

³ Տես Ա. Աբրահամյան, Համառոտ ուրվագիծ հայ գաղթավայրերի պատմության, հ. Ա, Ե., 1964, հ. Բ, Ե., 1967։

⁴ Տես Լեռ, Երկերի ժողովածու, հ. 4, Ե., 1984, էջ 73։

պարբերաշրջանը առանձնահատուկ է հայոց պատմության մեջ, քանի որ միահյուսված են հայրենիքի և գաղթաշխարհի հայության պատմական ընթացքները:

Դայ գաղթաշխարհի պատմության պարբերացման հարցով գրադրվել է նաև Վ. Բարիխուլարյանը: Նա պարբերացումը կատարել է՝ բնույթի և ժամանակագրության հարցերն ընդհանուր առմամբ համադրելով: Նա գաղթաշխարհի պատմությունը (հայկական գաղթավայրերի ամբողջական պատմություն) պարբերացնում է երեք հիմնական դարաշրջանների՝ միջնադար, նոր և նորագույն: Նորագույն շրջանն ընդգրկում է Առաջին աշխարհամարտից հետո ընկած ժամանակահատվածը, երբ ստեղծվեց հայկական սփյուռքը: Միջանադարում, ավելի ստույգ՝ ուշ միջնադարում (XV-XVIII դդ.) գոյություն ունեցած և վերելք ապրած գաղութներն ունեցել են առանձնահատկություններ՝ որպես կանոն ծեռագույք ինքնավարություն: Դայ համայնքն ապրել է ինքնամփոփ կյանքով և պահպանել ազգային նկարագիրը: Այդ շրջանի նշանավոր կենտրոններից էին Նոր Ջուղայի, Յնդկաստանի, Լեհաստանի, Ուկրաինայի և Ղրիմի գաղթավայրերը, որոնք մնայուն հետք են թողել հայոց պատմության մեջ: Ղրանց վերելքի շրջանը եղել են XVI-XVIII դդ. և, մասամբ, XIX դ. առաջին տասնամյակները: Այդ շրջանից սկսած՝ արդեն նոր շրջանում, վերոհիշյալ գաղթավայրերի մի մասը աստիճանաբար կորցնում է արտոնությունները, ազգային նկարագիրը և բռնում մարման ուղին: Վ. Բարիխուլարյանն այդ գործընթացը կապում է միջնադարից դեպի նոր հարաբերություններ անցնան հեղարեկումների հետ¹: Փաստորեն, Վ. Բարիխուլարյանի կողմից կատարված պարբերացումը կարելի է ներկայացնել հետևյալ կերպ:

1. միջնադար՝ XVI-XVIII դդ.,
2. նոր շրջան՝ XIX դ. սկիզբ-1918 թ.,
3. նորագույն շրջան՝ 1918 թ. մինչև մեր օրերը:

¹ Տե՛ս Վ. Բարիխուլարյան, Պատմագիտության հարցեր, Ե., 2008, էջ 366-368, 389-407:

ԱՐՄԱՆ ԵՂԻԱԶԱՐՅԱՆ

Դաշվի առնելով այն բոլոր դժվարությունները, որոնք ի հայտ են գալիս հայ գաղթավայրերի պատմության անբողջական, ընդհանրացնող աշխատություններ ստեղծելիս, ՀՀ ԳԱԱ պատմության ինստիտուտի հայ գաղթավայրերի պատմության բաժինը ծեռամուխ եղավ գաղութահայ պատմության եռահատորյակի ստեղծմանը: Այնուղի հայ գաղթաշխարհի պատմությունն այդպես էլ պարբերացման չենթարկեց: Այն ստեղծվեց «գաղթավայրերի պատմության տարածաշրջանային սկզբունքով՝ յուրաքանչյուր գաղութի պատմության շարադրանքի ժամանակագրության պահպանմամբ»: Դաշվի առնելով ժամանակագրական առումով գաղթաշխարհի պատմության ստեղծման անարդյունավետությունը շեշտվում է տարածաշրջանային սկզբունքի նպատակահարմարությունը¹:

Դայ գաղթաշխարհի պատմության պարբերացման խնդրում հստակեցում է մտցված եռահատորյակի «Դայկական արտագաղթերը» բաժնում, որտեղ գաղթաշխարհի սկիզբ համարվում է քրիստոնեության ընդունումից հետո սկսված շրջանը²: Որպես գաղթերի չափերի մեջացնան փուլ համարվում է արաբական արշավանքների և տիրապետության շրջանը: VII-XI դարերը, պայմանավորված արաբա-բյուզանդական պատերազմներով և սելջուկյան արշավանքներով, համարվում են Բյուզանդիայում, Բալկաններում, Ջյուսիսային Կովկասում և Մերձավոր Արևելքում հայկական գաղթավայրերի առաջացման շրջան³: XI-XIII դարերում, սելջուկյան և մոնղոլական տիրապետություններով պայմանավորված, արտագաղթը շարունակվում էր և նույնիսկ աճում⁴: XIV-XVII դդ. աչքի էին ընկնում ոչ միայն արտագաղթերով, այլ

¹ Տե՛ս «Դայ գաղթաշխարհի պատմություն (միջնադարից մինչև 1920 թ.)», հ. 1, «Սլավոնական աշխարհի և Յուսիսային Կովկասի հայկական գաղութները», Ե., 2003, հ. 2, «Ասիհայի և Աֆրիկայի հայկական գաղութները», Ե., 2003, հ. 3, «Եվրոպայի և ԱՄՆ-ի հայ գաղութները», Ե., 2013:

² Տե՛ս նույն տեղում, հ. 1, էջ 21:

³ Տե՛ս նույն տեղում, էջ 21-22:

⁴ Տե՛ս նույն տեղում, էջ 34:

նաև մի գաղթավայրից մյուսը հայության տեղաշարժերով¹: XVII դ. նշանավորվեց Օսմանյան կայսրությունում ջելալիների շարժման հետևանքով առաջացած մեծ արտագաղթով և 1604 թ. պարսից շահ Աբաս Մեծի կողմից իրականացված բռնագաղթով²: Պարսկաստան բռնագաղթած շատ հայեր այնուհետև տեղափոխվեցին Ճնողկաստան՝ լիցք հաղորդելով տեղի հայկական գաղթավայրին³: XVIII դ. հայության արտագաղթի հիմնական ուղղությունը Ռուսական կայսրությունն էր⁴: XIX դ. հայության արտագաղթը ստանում է երկու բնորոշ ուղղվածություն՝ պանդխություն և Օսմանյան կայսրության հայասպան քաղաքականության հետևանքով՝ փախստականություն: Այդ երևույթներն առկա էին նաև XX դ. առաջին տասնամյակին⁵:

Կարելի է տեսնել, որ այս բաժնում առկա է գաղթաշխարհի պատմության որոշակի պարբերացում, որը հենված է արտագաղթերի ժամանակաշրջանների ու բնույթի վրա:

1. VII-XI դ.,
2. XI-XIII դ.,
3. XIV-XVII դ.,
4. XVII դ.,
5. XVIII դ.,
6. XIX դ.-XX դ. սկիզբ:

Հայ գաղթաշխարհի և հատկապես հայության արտագաղթերի պատմության պարբերացման փորձ է կատարվել նաև է. Մելքոնյանի կողմից: Ըստ ուսումնասիրողի՝ արդեն III-IV դդ. հայերը բռնագաղթեցվել են Իրան: Պետականության կորսութի և արարների, իսկ հետո նաև սելջուկների արշավանքների շրջանում սկսվում է հայության արտագաղթը հայրենիքից: Մինչև IX դ. հայության արտահոսքը դեպի Բյուզանդիա խրախուսվում էր կայս-

¹ Տե՛ս նույն տեղում, էջ 35:

² Տե՛ս նույն տեղում, էջ 36:

³ Տե՛ս նույն տեղում:

⁴ Տե՛ս նույն տեղում, էջ 36-37:

⁵ Տե՛ս նույն տեղում, էջ 38-40:

ԱՐՍԱՆ ԵՂԻԿԱՎՐՅԱՆ

րության կողմից: Հայոց պատմության համար մեծ նշանակություն ունեցավ հայության արտագաղթը Կիլիկիա, որտեղ ծևավորվեց հայկական պետականություն: XIII դ. սկսած՝ հայության արտագաղթերին սկսում է նպաստել նաև միջազգային առևտում հայ վաճառականների խաղացած դերը: Հայության արտագաղթերն ու բռնագաղթերը շարունակվել են նաև XVI-XVIII դդ. պարսկա-թուրքական պատերազմների շրջանում: XIX դ. վերջին և XX դ. սկզբին հայության արտահոսքը հայրենիքից մեծանում է Օսմանյան կայսրության ցեղասպան քաղաքականության պատճառով: 1920-ական թթ. կազմավորվեց «նոր հայկական արտասահման (արտերկիր)»-ը, որն այնուհետև կոչվեց Սփյուռք¹:

Փաստորեն, հայ գաղթաշխարհի պատմության պարբերացման խնդիրը դիտարկվել է երկու տեսանկյունից:

1. հայոց պատմության ընդիհանուր համատեքստում՝ որպես հայության ենթահանակեցական միջավայր,
2. հայոց պատմության համատեքստից դուրս՝ որպես համակեցական առանձին միջավայր:

Վերոհիշյալ պարբերացումներում միայն ուշ միջնադարում է, որ հետազոտողները փոխկապակցվածություն են նկատում Հայաստանի և հայ գաղթաշխարհի պատմության միջև, մինչդեռ գաղթաշխարհն ավելի վաղ շրջանում ուսումնասիրվել է հայոց պատմության համատեքստից դուրս՝ միայն անդրադարձ կատարելով հայրենիքից հայության այս կամ այն հատվածի բռնագաղթին կամ արտագաղթին:

Վերոգրյալից ակնհայտ է, որ հետազոտողները փորձել և կարողացել են հայ գաղթաշխարհի պարբերացման հիմնահարցը լուծել իրենց կողմից կատարվող աշխատությունների բովանդակային շրջանակներում: Ընդհանուր առմամբ դա որոշ չափով լուծել է խնդիրը, սակայն բաց են ննացել մի շարք հիմնահարցեր,

¹ Տե՛ս Վ. Դյալով, Է. Մելքոնյան, Արմանական Դիասպորա: օչերք սոցիոկուլտурной типологии, Е., 2009, с. 37-43.

որոնք առնչվում են գաղթաշխարհի ընդհանրական պատմությանը, դրա զարգացման հիմնական փուլերին, ազգայինի պահպանանը և, դրանով իսկ, գաղթաշխարհի՝ դեպի ապագա նպատակառությանը:

3. Հայ գաղթաշխարհի պատմության իմանական փուլերն ու պատմության պարբերացման քաղաքակրթական մոտեգումը

Դայտնի է, որ հայ գաղթաշխարհը սկսել է ձևավորվել վաղ միջնադարում օտար նվաճողների կողմից իրականացված հայության բռնագաղթերի պատճառով, որոնք գրագիրներում են նաև հայրենիքում օտար տիրապետության հետևանքով ստեղծված ժանր կենսապայմաններից դրդված արտագաղթերով։ Եթե փորձենք այս տեսակետից ներկայացնել հայ գաղթաշխարհի պատմության ժամանակագրությունը, պետք է արձանագրենք, որ այն անցել է «Հայ գաղթաշխարհի պատմություն» եռահատորյակում ներկայացված փուլերին գրեթե համապատասխան։

Սակայն վերոհիշյալ ժամանակագրությունը չի արտացոլում հայ գաղթաշխարհի ծևավորնան ու կայացման գործընթացն ամբողջությամբ, քանի որ այն սույն ժամանակագրական և ոչ թե բովանդակային բաժանում է: Այդ իսկ պատճառով գաղթաշխարհի բնորոշիչ զարգացումներից շատերը դուրս են մնացել այդ ժամանակագրությունից, տեղի է ունեցել ժամանակահատվածների որոշակի խճողում դրանց առանձնացման համար հիմք ծառայած ոչ համարժեք հենքերի պատճառով:

Կարծում ենք՝ վերոհիշյալ պարբերացումներից ակնհայտ է, որ բաժանման չափանիշների ընտրության հարցում հետազոտողները, բացառությամբ Վ. Բարխուդարյանի, բավարար ուշադրություն չեն դարձրել համակեցության համար հենքային նշանակություն ունեցող բաղադրիչներին։ Այլ խոսքով՝ գաղթաշխարհը դիտարկվել է պատճական գործընթացի համատեքստում և կամ ըստ աշխարհագրական տարածման՝ առանց հաշվի առնելու «գաղթաշխարհ» հասկացության համակեցային բովանուակու-

թյունը, երբ էական դերակատարություն է ծեռք բերում հայկականության գործոնը, ասել է՝ համակեցության հենքային արժեքների պահպանությունը և զարգացումը։ Գաղթաշխարհն անհրաժշտ է դիտարկել ոչ թե դրա հիմնական բաղադրիչների՝ առանձին գաղթավայրերի ստեղծման և պատճական ընթացքի, այլ ընդհանրական գործընթացների, հայկականության հենքային արժեքների պահպանության և դեպի ապագա միտվածության առումով։

Ի դեպ, քաղաքակրթական իմաստով հայ գաղթաշխարհ ասելով՝
պետք է հասկանալ ոչ թե հայ գաղթավայրերի սոսկական ամբողջությունը, այլ ազգային հիմնարար արժեքների պահպանության
և զարգացման միջավայրը, գաղթաշխարհի հայության հոգևոր
ամբողջականությունը՝ հիմնված համակեցության այնպիսի
հենքային արժեքների վրա, ինչպիսիք են անկախությունը, ազ-
գային պետությունը, նշակույթը, լեզուն: Այսօրինակ չափորոշիչ-
ները մեծապես առնչվում են ազգի պատմական հեռանկարին,
երբ առկա է անցյալ-ներկա-ապագայի ամբողջական ընթանունը¹:
Այդ իսկ պատճառով, հայ գաղթաշխարհի պատմության պարբերացունը պետք է անպայմանորեն զուգահեռվի Հայաստանի
պատմության ընթացքին, շեշտը դրվի ընդհանուր հայոց պատ-
մության զարգացումների վրա, որոնք, ի վերջո, հանգեցրին այն
բանին, որ գաղթաշխարհում ծնունդ առավ Հայաստանի ազա-
տագործյան գաղափարը:

Այդ առումով խիստ կարելրվում է պատմության և դրա գիտակցման գործոնը: Սեփական պատմության անկրկնելիության գիտակցումն է ծնում համրային-ազգային ինքնագիտակցություն, և պատմությամբ են բացատրվում ազգային ինքնուրույնությունն ու յուրահատկությունը՝ քաղաքակրթության գլխավոր բաղադրիչներից երկուսը: Այդ առումով ազգի «պատմական անհատա-

¹ See L.Bertalanffy, General System Theory. Foundations, Development, Applications, New York, 1976, p. 48-56.

կանությունը» նույնանում է ազգային ինքնությանը¹: Լիովին ընդունելի է «Ես իմ անցյալն եմ» բանաձևը²: Ուստի գաղթաշխարհի հայության պատմությունն անհրաժեշտ է աղերսել Մայր Հայաստանի պատմության հետ, այդ անել ընդհանուր առմանք և ոչ թե միայն ուշ միջնադարի հետ կապված³:

Հայտնի է, որ հայոց թագավորությունները մշտապես եղել են ազգային: Աշխարհագրական սահմանների առումով դրանք սկզբում ունեցել են մի կարևոր առանձնահատկություն՝ նույնություն հայոց լեզվի սահմաններին: Ավելին, կարելի է պնդել, որ հայկական քաղաքակրթության գլխավոր հենքերից մեկը դարեր ի վեր եղել է հայոց լեզուն, և այդ իրողությունն արձանագրված է ինչպես հայկական, այնպես էլ օտար աղբյուրներում: Հույն աշխարհագետ Ստրաբոնը, պատմելով այն մասին, որ Հայոց Արտաշես Ա թագավորը (189-160) Մեծ Հայքի թագավորությանը միացրեց (իմա՝ Վերամիավորեց) մի շարք երկրամասեր, կազմավորվեց մի թագավորություն, որտեղ բոլորը միալեզու էին (իմա՝ խոսում էին հայոց լեզվով)⁴: Միալեզու Մեծ Հայքի թագավորությունը Փավստոս Բուզանդին անվանում է «Երկիրն լեզուին Թորգոնական աշխարհին»⁵, իսկ Սովուն Խորենացին նրա սահմանները նույնացնում է հայոց լեզվի սահմանների հետ («զեզերը հայկական խօսից», «ի ծայրս հայերէն խօսից»)⁶: Հայոց լեզվի և հայոց թագավորության աշխարհագրական սահմանների նույնությունը վկայում է այն մասին, որ հայկական քաղաքակրթական միջավայրի արտահայտիչներից գլխավորը եղել է հայոց լեզու:

¹ Stein G. Люббе, Историческая идентичность, “Вопросы философии”, 1994, N 4, с. 109-113.

² Stein J. Sartre, L'etre et le neant. Essai d'ontologie phénoménologique, Paris, 1943, p. 159.

³ Այս հարցերի մասին մանրամասնորեն տես Ա. Ստեփանյան, Ինքնության ազգային չափումը (նախնական դատողություններ), «Ինքնության հարցեր. Տարեգիր», Ե., 2002, էջ 18-31:

⁴ Stein The Geography of Strabo, in three volumes, vol. II, London, 1856, XI, XIV. 5, նույնը՝ Հրաբոս, Գեոգրաֆիա, և 17 քառականական տեսքում պատմություններ, Հայության պատմություններ, Հայության հարցեր. Տարեգիր», Ե., 1964, XI, XIV. 5:

⁵ Stein Փաւատուի Բուզանդացւոյ Պատմութիւն Հայոց, Վենետիկ, 1933, դար. 4, գլ. Իգ:

⁶ Stein Սովունի Խորենացւոյ Պատմութիւն Հայոց, Տիգեր, 1913, գիրք Բ, գլ. 4, Ը:

Հատկապես պետք է նշել նաև քրիստոնեության մասին, որի ընդունումից հետո հայկական քաղաքակրթական միջավայրը ծեռք բերեց նաև համակեցության կրոնադավանական խիստ ուրույն դիմագիծ: Ավելին, քրիստոնեությունը՝ որպես այդ միջավայրի գլխավոր հենքերից մեկը, դարձավ քաղաքակրթության արտահանման հիմնական արժեքներից՝ կանխորոշելով նաև հարևան ժողովուրդների հոգեսր ապագան:

Ակնհայտ է, որ գաղթաշխարհի պատմության պարբերացումը պետք է անցնի նաև հայոց պետականության և հայրենիքի ազգատության գաղափարի, հայոց լեզվի և քրիստոնեության հայկական դավանանքի՝ առաքելականության պրիզմայով, որը կրացահայտի գաղթաշխարհի հայության ընդհանուր ինտեգրումը ազգային կյանքում, և հայկականության պահպանման վիճակից ելնելով՝ հնարավոր կլիմի գնահատել Հայաստանի պատմության մեջ գաղթաշխարհի ներդրումը:

Այլապես ինչո՞վ կարելի է բացատրել Հայաստանում պետականության անկման շրջանում նրանից դուրս հայկական իշխանությունների՝ հայկական համակեցական կառույցների ստեղծումը: Դրանցից առաջինը ծևավորվել էր դեռևս 789 թ. Համանաշենում (Համշեն), այնուհետև մեկը մյուսից հետո ծնունդ առան Գրիգոր Պահլավունու իշխանությունը Հյուսիսային Միջագետքում 1046 թ., Սամոսատի իշխանությունը, որը կործանվեց 1098 թ., Ասորիքի հյուսիսում, Կիլիկիայի արևելյան շրջաններն ընդգրկող Փիլարտոս Վարաժնունու և Գող Վասիլի իշխանությունները և Կիլիկիայում հայկական իշխանությունը Ռուբեն իշխանի գլխավորությամբ 1080 թ.: Դրանք, բացառությամբ Համշենի և Կիլիկիայի իշխանությունների, կործանվեցին XII դ. առաջին կեսին: Պատմության թատերաբեմից հեռացած այդ իշխանությունների, ինչպես նաև Կիլիկիայում և Վերջինից հյուսիսի հավաքված ստվարածավալ հայությունը հետագայում Կիլիկիայի Հայկական թա-

գավորության ստեղծման հզոր հենք ծառայեց¹: Հայաստանից դուրս, բայց հայկականության տեսլականուվ առաջնորդվող այդ գործընթացներն ուղղակիորեն առնչվում են համակեցական ընդհանուր միջավայրի գաղափարին:

Նետագայում այդ գաղափարն իր արտացոլումը գտավ աշխարհի այլևայլ հատվածներում, ինչպես, օրինակ՝ Ռուսիայում [Ղրիմ (որի հարավարևելյան հատվածը կոչվում է Ծովային Հայաստան²), Նոր Նախիջևան, Արմավիր, Աստրախան], Հնդկաստանում (Մադրաս), Իրանում (Նոր Ջուղա) և Խոտակիայում (Սխիթարյան միաբանություն) հայկական հաճակեցական միջավայրերի ձևավորման մեջ: Պատահական չէ, որ հենց այդ միջավայրերում ծնունդ առավ Հայաստանի ազատագրության գաղափարը:

Ուստի հաշվի առնելով վերոհիշյալ սկզբունքները և հայ գաղթաշխարհի պատմությունը դրանց լույսի ներքո ենթարկելով ժամանակագրական բաժաննան՝ կստանանք մի պարբերացում, որում առկա են պատմական հեռանկարի հիմնական բաղադրիչները:

Նշված բաժանումը ևս հիշ է բացթողումների վլտանգով, քանի որ «գաղթաշխարհ-հաճակեցություն»-ից դուրս են մնում հայության «ցրոնքային» հատվածները, որոնք աստիճանաբար հեռացել են հայկականությունից: Մյուս կողմից, դրանց ընդգրկումը այս կամ այն պարբերացման հաճակարգում, հարկ է խոստովանել, ոչինչ չի ավելացնում այդ պարբերացման հիմքով գիտական ընդհանությունների հասնելու նպատակի իրագործմանը:

Վերոհիշյալի համատեքստում հայ գաղթաշխարհն անցել է հետևյալ փուլերը:

1. Գաղթավայրերի սկզբնավորման փուլ (IV դ.-VIII դ. առաջին կես):

¹ Տես «Հայ ժողովրդի պատմություն», Հայկական ՍՍԴ ԳԱ հրատ., հ. III, Ե., 1976, էջ 507-512, 674-676:

² Տես Ա. Կոպես, Կրամսկու սբորնի, СПб., 1835, с. 318.

ԱՐՍԱՆ ԵՂԻԱԶՄՐՅԱՆ

ա. Այս փուլը սկիզբ է առել IV դարում, երբ բազմահազար հայեր բռնազարդեցվեցին և ցովեցին Պարսկական տերության մեջ՝ Ասորիքում և Պարսից ծոցի ափերին¹:

բ. Բյուզանդիայի Սավրիկիոս կայսեր (582-602) հրամանով Թրակիա տեղափոխվեցին մեծ թվով հայեր, որոնցից շատերը՝ նախարարներ և գինվորներ, ընկան կայսրության թշնամիների դեմ ճակատամարտերում²:

գ. Մոտ 616 թ. Կարին քաղաքի հայ բնակչությունը պարսից արքա Խոսրով II Փարվեզի (590-628) հրամանով գաղթեցվեց Յամադամ³:

դ. Արարական արշավանքների շրջանում տասնյակ հազարավոր հայեր գաղթեցվեցին Հայաստանից Արարիա⁴:

ե. Արարական տիրապետության դժնդակ շրջանում երկիրը լրեցին տասնյակ հազարավոր հայեր՝ գաղթելով հիմնականում դեպի արևմուտք⁵:

2. Հայաստանից դուրս հայկական իշխանությունների ձևավորման փուլ (VIII դ. Երկրորդ կես-XI դ.):

ա.

Այս փուլը սկիզբ է առել 789 թ. հայրենիքից արտագաղթած հայության կողմից Պոնտական լեռների ծովահայաց հատվածում Յամանաշենի հայկական իշխանության հիմնադրմանը⁶:

բ. Նետագայում՝ X-XI դդ., մեկը մյուսի հետևից հիմնադրվում են հայկական իշխանություններ Հայաստանի հարակից Երկրամասերում: Ստեղծվում են Գրիգոր Պահլավունու, Փիլարտոս Վարաժնունու, Գոդ Վասիլի, Սամոսատի և Կիլիկիայի հայկական իշխանությունները:

¹ Տես Փաւատոսի Բուզանդացւոյ Պատմութիւն Հայոց, դպր. Ղ, գլ. Ծե:

² Տես Պատմութիւն Սերեսի, քննական բնագիրը՝ Գ. Արգարյանի, Ե., 2004, էջ 90-98:

³ Տես նույն տեղում, էջ 146:

⁴ Տես նույն տեղում, էջ 204-206:

⁵ Տես «Պատմութիւն Ղետոնդեայ մեծի վարդապետի Հայոց», Ս. Պետերբուրգ, 1887, էջ 32-35:

⁶ Տես Լ. Խաչիկյան, Եցեր համշխնահայ պատմությունից, «ԲԵՐ», 1969, թիվ 2, էջ 115-118:

3. Հայության ներկայացուցիչների՝ օտար գահերին հաստատվելու փուլ (IX-XI դդ.):

ա. Այս փուլը սկիզբ է առել IX դ., երբ Բյուզանդիայի գահին մերժնոմերթ տիրում էին հայեր, որոնցից Բարսեղը (Վասիլ) 876 թ., բազմելով կայսերական գահին, հիմնադրեց սեփական հարստությունը¹:

բ. 894 թ. Աղվանքում թագավոր հռչակվեց Համամը, որը պատմագիտության մեջ համարվում է Բագրատունի² կամ Առանշահիկ³:

գ. 899 թ. Մեծ Հայքի Գուգարք աշխարհի Կողարքը գավառի տեր Ալեքսանդր Բագրատունին Հայոց Սմբատ Ա թագավորի (891-913) կողմից հռչակվեց որպես վրաց թագավոր⁴: XI դ. սկզբին նրա սերունդներից՝ նախապես արխազաց թագավոր հանդիսացող Բագրատ Գ-ն ի վերջո կարողացավ հռչակվել նաև վրաց թագավոր և տիրել պատենական ոստանին՝ Կողարքին⁵:

դ. 997/998 թ. Բուլղարիայում թագավոր դարձավ Սամուել Հայկազնը⁶:

4. Հայաստանից դուրս ազգահավաքի և հայոց անկախ պետականության վերականգնման փուլ (XI-XIV դդ.):

ա. Այս փուլում Հայաստանից շարունակվող արտագաղթ տեղի է ունենում ազգահավաք Կիլիկիայում¹:

¹ Տես Ն. Աղոնց, Երկեր, հ. Ա, Ե., 2006, էջ 397-438, 506-514:

² Տես «Հայ Բագրատունեաց ճիշճագրութիւնը», Ժանօթութիւններով, գրեց պրոֆ. դոկտ. Յ. Մարկոսարտ, գերմանելելն բարգանեց Յ. Ս. Հապօքեան, Վիեննա, 1913, Ն. Աղոնց, Երկեր, հ. Ա, էջ 509, Ա. Բարխտուդյանա, Արցախի, Շաքի և Փառհսուի իշխանությունները IX-X դարերում, «ՊՐՃ», 1971, թիվ 1, էջ 58-72:

³ Տես Բ. Ուլուքաբյամ, Խաչենի իշխանությունը X-XVI դարերում, Ե., 1975, էջ 75-77:

⁴ Տես Յովհաննու կարողինսի Ղրասինանակերտոցոյ Պատմություն Հայոց, «Մատենագիր Հայոց», ԺԱ. հատոր, Ժ. դար, Պատմագրութիւն, Ամբիկիաս-Լիբանան, 2010, էջ 471:

⁵ Տես Ստեփանոս Տարաւեցի Ասողիկ, Պատմութիւն տիեզերական, «Մատենագիր Հայոց», ԺԱ. հատոր, Ժ. դար, Պատմագրութիւն, գիրք Բ., Ե., 2011, էջ 805, Պատմութիւն Արիստակիսի Լաստիվերցուց, աշխատասիրութեամբ Կ. Յուլքաշեանի, Ե., 1963, էջ 23-25, Հայաբումն պատմութեան Կարունայ վարդապետի, Կենետիկ, 1862, էջ 82, Սիմբարայ Այրիվանեցոյ Պատմութիւն Ժամանակագրական, ի լոյս ընծայեաց ը. Դ., Ս. Պետերուրոց, 1867, էջ 71:

⁶ Տես Ն. Աղոնց, Երկեր, հ. Ե., Ե., 2012, էջ 418-459:

ԱՐՍԱՆ ԵՂԻԱԶԱՐՅԱՆ

թ. 1080 թ. հիմնադրվում է Կիլիկիայի հայկական իշխանապետությունը:

գ. 1198 թ. Կիլիկիայի հայկական թագավորության հիմնադրումով, փաստորեն, վերականգնվում է հայոց անկախ պետականությունը:

5. Նոր գաղթավայրերի ծևավորման փուլ (XIV-XVII դդ.):

ա. Այս փուլում սկզբնավորվում են հայկական գաղթավայրեր Ուուսաստանում, Իրանում (Նոր Ջուղա) և Հնդկաստանում:

բ. Հայկական նոր գաղթավայրերում (Ղրիմ, Աստրախան, Արմավիր, Նոր Նախիջևան, Նոր Ջուղա, Մադրաս) սկսում են ծևավորվել հայկական համակեցական միջավայրեր:

6. Գաղթավայրերում Հայաստանի ազատագրության գաղափարի ծևավորման փուլ (XVIII-XIX դդ.):

ա. Այս շրջանում Հայաստանի ազատագրության գաղափարը ծաղկում է ապրում Հնդկաստանի և Ուուսաստանի հայ գաղթավայրերում, և մշակվում են ինչպես Հայաստանի ազատագրման ծրագրեր, այնպես էլ գալիք հայոց պետության պետական կարգի մոդելներ:

բ. XVIII դ. սկզբին Վենետիկում հիմնադրված Միսիթարյան միաբանության տպարաններում իրատարակվում և հայության շրջանում տարածվում են հիրավի խորենացիական ոգով ստեղծագործություններ՝ քարոզելով Հայաստանի ազատագրությունը:

գ. 1887 թ. Ժնևում հիմնադրվում է Հնչալյան կուսակցությունը, որի հիմնական նպատակը Հայաստանն ազատագրելն էր և սոցիալիստական պետության ստեղծումը:

¹ Այս գործնթացի համար հիմք էր հանդիսանում այն իրողությունը, որ Կիլիկիան հնուց ի վեր հայկական իրականության մաս էր: Հայկական տարրն այստեղ զգալի դերակատարություն ուներ, որի վկայությունը հսուն կամ Ալեքսանդրեսի ծոցի՝ «Հայկական» կամ «Հայոց Ծոց» անվանումն էր առնվազն IV դ. դրույթամբ (բայ դարի պատմիչ Ամմանոս Մարկելինոսի): V դ. սկզբին Կիլիկիայում հայ իշխաններին պատկանող հայկական գյուղեր կային (ըստ Պովիան Ռուգերերանի):

դ. 1990 թ. Թիֆլիսում հիմնադրվում է Հայ Յեղափոխական Դաշնակցություն կուսակցությունը՝ համանման գաղափարներով:

7. Ազատագրական պայքարի փուլ (XIX դ. Վերջ-1918 թ.):

ա. Այս փուլում սկսվում է հայ ազատագրական պայքարի զինված շրջանը:

թ. 1918 թ. Վերականգնվում է Հայաստանի անկախությունը:

Հատկապես պետք է շեշտել նաև, որ Հայոց ցեղասպանությունը բեկումնային էր ինչպես հայոց պատմության համար ընդհանրապես, այնպես էլ գաղթաշխարհի պատմության համար՝ մասնավորապես: Հարյուր հազարավոր հայեր, մի կերպ փրկվելով մահից, հեռացան հայրենիքից, որի հետևանքով գաղթաշխարհի հայության թվաքանակը մեծապես աճեց, և ստեղծվեցին նոր գաղթավայրեր:

Ներկայացվող պարբերացումը կարող է թյուր կարծիք ծևավորել, թե այն արհամարհում է բազմաթիվ հայկական գաղթավայրերի պատմությունը, սակայն իրականում փուլային վերոհիշյալ բաժանումը կարող է և ընդգրկում է գաղթաշխարհն ամբողջությամբ՝ շեշտը, սակայն, դնելով հիմնականի՝ հայկականության, համակեցության հենքերի պահպանության և գաղթաշխարհի՝ դեպի Հայաստան միտվածության վրա: Այլապես հայապահպանության գաղափարը զրկված է գլխավորից՝ ապագայի տեսլականից, գերնպատակից, որը, ինքնըստինքյան, հայության վերջնական համախմբումն է հայրենի սահմաններում: Բոլորովին էլ պատահական չէ, որ նշված պարբերացման համաձայն՝ առաջին գաղթավայրերի սկզբնավորումից հետո Հայաստանից դուրս բնակվող հայության շուրջ 1500-ամյա ընթացքը ի վերջո նրան հանգեցրեց Հայաստանի ազատագրության գաղափարին: Այսինքն՝ բռնագաղթեցված կամ արտագաղթած հայության ուղին, դարեր առաջ սկսելով Հայաստանից, պառլայտ կատարեց և նոր ժամանակներում հայի հայացքը դեպի Հայաստան դարձրեց: Դա մի յուրօրինակ հոգևոր վերադարձ էր հայրենիք:

ԱՐՄԱՆ ԵՂԻԱԶԱՐՅԱՆ

Անփոփելով համառոտ ներկայացնենք հայ գաղթաշխարհի պատմության պարբերացումը.

1. IV դ.-VIII դ. առաջին կես՝ գաղթաշխարհի սկզբնավորման փուլ,
2. VIII դ. Երկրորդ կես-XI դ.՝ Հայաստանից դուրս հայկական իշխանությունների ծևավորման փուլ,
3. IX-XI դդ.՝ հայության ներկայացուցիչների՝ օտար գահերին հաստատվելու փուլ,
4. XI-XIV դդ.՝ հայրենիքից դուրս ազգահավաքի և հայոց անկախ պետականության վերականգնման փուլ,
5. XIV-XVII դդ.՝ նոր գաղթավայրերի ծևավորման փուլ,
6. XVIII-XIX դդ.՝ գաղթավայրերում Հայաստանի ազատագրության գաղափարի ծևավորման փուլ,
7. XIX դ. Վերջ-1918 թ.՝ ազատագրական պայքարի փուլ:

Առաջարկվածը միայն հայ գաղթաշխարհի պատմության պարբերացման փորձ է, մեր դիտարկումների արդյունքը: Հույս ունենք, որ սույն պարբերացումը հիմք կհանդիսանա բանավիճային առողջ քննարկման համար, որը, ի վերջո, կստեղծի պարբերացման ընդհանրական մոտեցում և հնարավորություն կտա հետազոտելու հայության՝ հայրենիքից դուրս հաստատված հատվածի պատմության այնպիսի խնդիրներ, որոնք դուրս են մնացել նախկինում կատարված պարբերացումների տրանսպարանությունից:

Arman S. Yeghiazaryan – An Attempt of Periodization of the Armenian Diaspora History – Periodization of the history of the Armenian Diaspora is one of the most important problems of the Armenology. Earlier the issue was solved by the chronological division of the Armenian Diaspora history to the periods of the Armenian deportations and migration or studying it by the principle of geographical dispersion of Armenians abroad. Such an approach can't reflect the main developments of the Armenian Diaspora during centuries.

In the study a civilization approached periodization model is suggested.

Author proposes to observe the history of the Armenian Diaspora according to the vision of historical perspective in Armenian communities abroad and by the level of

preservation of national values such as language, religion, idea of national statehood and independence of the Homeland.

Author hopes that the study will lead to scientific discussion on this issue and a general model of the periodization of the Armenian Diaspora history will be adopted at last. After the Armenian Diaspora studies can cover many issues of the Armenian Diaspora history which earlier haven't been studied.